

# INUIT ATAQATIGIIT INATSIARTUNI



UKA2021/25

12. oktober 2021

Harald Bianco

**Silaannakkut angallanneq il.il. pillugit inatsimmut allannguutissatut inatsisinik Kalaallit Nunaannut atuutilersitsineq pillugu peqqussutip, Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut.**

(Ineqarnermut, Attaveqaasersuutitut, Aatsitassanut, Inatsisit  
Atuutsinneqarnerannut, Naligiissitaanermullu Naalakkersuisoq)

Inatsimmik allannguiniarnermi nunatsinni mittarfeqarnikkut EU-mi isumannaallisaanermut naleqqussaaniisaq siunertaavoq. Taamaalilluni ilaatigut Kangerlussuarmi isumannaallisaanikkut OSS najoqqutaralugu misissuisarneq qulakkeerneqassalluni.

Isumannaallisaanermut akitsuusiinikkut akiliutaasartoq kunngip peqqussutaaneerpoq 2017-imeersukkut pisarpoq, billetinut pisinermi akitsuusiinikkut aningaasalersugaasoq. Tassa imaappoq; angalasut ikippata pineqartumut aningaasaliinerit anikilisarput amerlippatalu aningaasat pissarsiat amerlisarlutik.

Inatsisip allanngortinneratigut Mittarfeqarfiit toqqaannartumik aningaasaliisalissapput, taamaalilluni Angallannermut Aqutsisoqarfiup (DK-mi) ukiumut ataasiaannarluni misissuisarnera piunnaarluni, Namminersorlutik Oqartussanut taamatut atuutilersitsinikkut ataavartumik isumannaallisaanermut misissuisarneq pialissaaq, taamaalillunilu EU-mi nunanut isernermi nassatanik missisueqqittarneq pisariaarutissalluni.

Inatsimmi allannguiniarneq Inuit Atqatigiinnit taperserlugu, ataatsimiitaliamut susassaartumut ingerlateqqinnissaa innersuuppara.